



Broj: 04-GV-04-747/22  
Sarajevo, 26.04.2022. godine

**ZAPISNIK O RADU**  
**14. SJEDNICE ETIČKOG VIJEĆA GRADSKOG VIJEĆA**  
**ODRŽANE 26.04.2022. GODINE**

Prisutni:

1. Dženana Dramalija, predsjedavajuća
2. Miodrag Jusić, član
3. Hamdija Hasanović, član
4. Ahmed Hodžić, član

Odsutni: Edin Turkušić, zamjenik Predsjedavajuće (najavljen izostanak), Tarik Ibišević, član, Dženan Mustafić, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Predsjedavajuća je upoznala prisutne da kašnjenje najavili članovi Hamdija Hasanović i Ahmed Hodžić.

Predsjedavajuća Etičkog vijeća je u 15.30 sati otvorila sjednicu, pozdravila prisutne, utvrdila kvorum za rad.

Sjednica je započela razmatranjem i jednoglasnim usvajanjem Zapisnika o radu 13. sjednice Etičkog vijeća Gradskog vijeća održane 11.04.2022. godine.

Na prijedlog Predsjedavajuće, jednoglasno je usvojen sljedeći dnevni red:

1. Priprema za promjenu Etičkog kodeksa izabranih zvaničnika Grada Sarajeva
2. Tekuća pitanja

**TAČKA 1.**

***Priprema za promjenu Etičkog kodeksa izabranih zvaničnika Grada Sarajeva***

Uvodno izlaganje dala je Mirjana Đanović Stanić, rukovodilac Stručne službe za poslove Gradskog vijeća Grada Sarajeva.

Posije uvodnog izlaganja Predsjedavajuća Etičkog vijeća je otvorila raspravu i pozvala članove da iznesu svoje primjedbe, prijedloge i sugestije.

Dženana Dramalija, predsjedavajuća Etičkog vijeća iznijela svoje prijedloge u diskusiji koja je imala sljedeći sadržaj.

Potrebno je

- da se kroz Etički kodeks primjeni gramatička upotreba muškog i ženskog roda;
- da se u članu 4. doda nova tačka g. tako da glasi: „njegovanje kulture dijaloga“;
- da se u članu 5. doda nova tačka f. tako da glasi: „verbalno i fizičko nasilje“;



član 16. dopuniti tekstem: “izbjegavaju govor koji može imati sadržaj dvosmislenog značenja, te sve što može poticati na govor mržnje. U načinu komuniciranja njegovati kulturu dijaloga, lijepog govora i uvažavanja drugog/druge kolege/kolegice dok govori (bez prekidanja, aktivno slušanje sagovornika/ce...)

- u član 21. stav (2) tačku a. dopuniti tako tekstem: „..., osim u slučajevima opravdanog izostanka kad su dužni/e o istom obavijestiti.“
- članu 35. dopuniti riječima „i uposleni/e u organima Grada Sarajeva“;
- u članu 36. stav (7) izmijeniti rok u kome je Etičko vijeće dužno odgovoriti na podnesene predstavke tako da umjesto „40 dana“ glasi „minimalno 60 dana“;
- član 36. stav (7) dopuniti tako da se iza riječi „žalbe građana“ dodaju i riječi „izabranih zvaničnika/ca i uposlenih u organima Grada Sarajeva, ili definisati nekim članom da se svi izabrani/e i svi uposleni/e smatraju građanima/kama;
- član 36. /37. dopuniti novim stavom kojim se ima pravo uložiti žalba na izrečenu sankciju, npr. u roku od 15 dana od...;
- član 40. stav (1) dopuniti novim stavom e.: „verbalno vrijeđanje izabranih zvaničnika/ca i uposlenih u organima Grada Sarajeva.“;
- član 40. stav (1) dopuniti novim stavom f.:“dolazak na sjednicu u alkoholisanom stanju i pod dejstvom opijata.“
- član 41. stav (1) dopuniti novom tačkom j.: „fizičko nasrtanje na nekog od izabranih zvaničnika/ca, uposlenih u organima Grada Sarajeva ili drugih građana/ki.“
- U članu 42. stav (1) tačka b. definisati sankcije za teže povrede Kodeksa, te u tački e. definisati sankciju za najteže prekršaje pored navedene.

U raspravi su, dalje, učestvovali članovi Etičkog vijeća Hamdija Hasanović, Ahmed Hodžić i Miodrag Jusić, te sugerirali da se razmotri stvarna potreba i smisao finansijskih sankcija u etičkom kodeksu, te da se konkretnim odredbama zaštititi dignitet državnih službenika i namještenika.

Poslije diskusije, te iznesenih prijedloga i sugestija, Etičko vijeće Gradskog vijeća jednoglasno je usvojilo sljedeće **zaključke**:

Etičko vijeće Gradskog vijeća konstatuje da će se sljedeća sjednica održati s ciljem razmatranja materijala koji pripremi radna grupa za izradu Etičkog kodeksa izabranih zvaničnika koju formira gradonačelnica, uz razmatranja i prijedloga iznesenih na ovoj sjednici Etičkog vijeća, a koji su evidentirani u ovom zapisniku.

## **TAČKA 2.**

### ***Tekuća pitanja***

Pod ovom tačkom dnevnog reda nije bilo zaključaka.

***PREDSJEDAVALA ETIČKOG VIJEĆA***

*Dženana Dramalija, s.r.*

Predsjedavajuća Etičkog vijeća je u 16.11 sati zaključila rad 14. sjednice Etičkog vijeća Gradskog vijeća Grada Sarajeva.